

398/2024 EBAZPENA, MAIATZAREN 29KOA, OSAKIDETZAKO GIZA BALIABIDEETAKO ZUZENDARIARENA. HONEN BIDEZ, OSAKIDETZAKO ZUZENDARITZA NAGUSIKO GOI MAILAKO ARLO TEKNIKARI ARDURADUN JURIDIKO LANPOSTUAK BEHIN BETIKO BARNE MUGIKORTASUNAREN, ALDI BATERAKO BARNE SUSTAPENAREN ETA ZERBITZU EGINKIZUNEN BIDEZ BETETZEKO DEIALDIA EGITEN DA.

LANPOSTUA: GOI MAILAKO ARLO KORPORATIBO TEKNIKARI ARDURADUN JURIDIKOA.

DESTINOAK: Zuzendaritza Nagusia.

HELBIDEA	ZUZENDARIORDETZA	ZERBITZUA	HIZKUNTZA-ESKAKIZUNA / DERRIGORTASUN-DATA	DESTINO KOP.
Giza Baliabideen Zuzendaritza	Hautaketa eta Hornikuntzako Zuzendariordetza	Kontratazioa	3. HE 22.02.2024	1
Giza Baliabideen Zuzendaritza	Garapen eta Prestakuntzako Zuzendariordetza	Ebaluazioa eta Garapena	3. HE derrigortasun-datarik gabe	1

Lanaldi zatitua (Vitoria-Gasteiz).

BALDINTZAK: (Agiri bidez egiaztatu beharko dira, CV aplikazioan jasota egon ezean).

Eskatzaileen kasuan, Behin Betiko Barne Mugikortasuna:

- Karrerako funtzionarioa, estatutupeko langilea edo lan-kontratudun finkoa izatea eta lanpostua jabetzan izatea Zuzendaritza Nagusian, Goi Mailako Teknikari Juridikoaren kategorian.

- Mugikortasun horizontalaren xede den destinoaren kategoria/lanpostu funtzional berekoa izatea.

Baldintza horiek eskabideak aurkezteko epearen azken egunean bete behar dira.

Aldi baterako barne-sustapena eskatzen dutenentzat:

- Karrerako funtzionarioa, estatutupeko langilea edo lan-kontratuko langile finkoa izatea, Osakidetza-Euskal osasun zerbitzuko zerbitzu-erakundeei atxikia.

- Zerbitzu aktiboan egotea eta lortu nahi den titulazio-maila bereko edo txikiagoko beste kategoria batekoa izatea.

- Goi Mailako Teknikari Juridikoaren karrerako funtzionario edo estatutupeko langile finko edo lan-kontratu finkorik ez izatea, izendapen edo kontratu horri dagokionez edozein administrazio-egoeratan daudela ere.

- Zuzendaritza Nagusira langile finko gisa atxikita egotea, Zuzendaritza Nagusiko langileen arteko barne-sustapenaren kasuan.
- Zuzendaritza Nagusiaz bestelako zerbitzu-erakunde batera langile finko gisa atxikita egotea, zerbitzu-erakundeen arteko barne-sustapenaren kasuan.
- Kategoria bereko lanpostu batean aldi baterako barne-sustapenean badago, egoera horretan urtebete baino gehiago jarraian egotea.
- Osakidetza-Euskal Osasun Zerbitzua Ente Publikoaren lanpostu funtzionalak arautzen dituen uztailaren 19ko 186/2005 Dekretuan ezarritako titulazioa eta deitutako azken EPEko kategoriaren deialdiko oinarrietan eskatzen diren gainerako titulazio-eskakizunak izatea.

Baldintza horiek eskabideak aurkezteko epearen azken egunean bete behar dira.

Zerbitzu-eginkizunen eskatzaileentzat:

- Karrerako funtzionarioa, estatutupeko langilea edo lan-kontratuko langile finkoa izatea, Osakidetza-Euskal osasun zerbitzuko zerbitzu-erakundeei atxikia, edo karrerako funtzionarioa edo estatutario finkoa Osasun Sistema Nazionalako gainerako osasun-zerbitzuetan, Goi-Mailako Teknikari Juridikoaren kategorian.
- Zerbitzu aktiboan egotea eta lanpostua jabetzan duen edo zerbitzu aktibora behin-behinean itzuli delako atxikita dagoen zerbitzu-erakundea ez den beste batean lanpostuak betetzeko eskaera egitea.

Baldintza horiek eskabideak aurkezteko epearen azken egunean bete behar dira.

MEREZIMENDUEN BAREMOA (agiri bidez egiaztatu beharko dira, CV aplikazioan jasota ez badaude):

Behin betiko barne-mugikortasuna eskatzen dutenentzat:

- Lanbide-esperientzia, kategoria honetako azken lekualdatze-lehiaketan. (Gehienez 47,5 puntu)

Eskabideak aurkezteko epea irekitzen den egunera arte aitortuta duten zerbitzu-denbora zenbatuko da.

Aldi baterako barne-sustapena eskatzen dutenentzat:

- EPEko oposizio-fasea (Gehienez 100 puntu)
- Lanbide-esperientzia (Gehienez 80 puntu)

Eskabideak aurkezteko epea irekitzen den egunera arte aitortuta duten zerbitzu-denbora zenbatuko da.

Zerbitzu-eginkizunen eskatzaileentzat:

- Lanbide-esperientzia, kategoria honetako azken lekualdatze-lehiaketan. (Gehienez 47,5 puntu).

Eskabideak aurkezteko epea irekitzen den egunera arte aitortuta duten zerbitzu-denbora zenbatuko da.

Euskara jakitea eskatzaile guztientzat:

Euskararen erabilera Osakidetzan normalizatzeko 67/2003 Dekretuaren 24. artikuluan ezarritakoarekin bat etorriz, derrigortasun-data igarota duten destinoen kasuan, euskara jakitea deialdian parte hartzeko baldintza izango da, eta ez da merezimenduetan baloratuko. Derrigortasun-datarik gabeko edo derrigortasun-data igarota ez duten destinoen kasuan, euskararen ezagutzaren balorazioari dagokion puntuazioa, lor daitekeen gehieneko puntuazioaren gainean, % 5 izango da 1. HE egiaztatzen bada; % 10 2. HE egiaztatzen bada; eta % 15 3. HE egiaztatzen bada.

ESKABIDEAK AURKEZTEA:

Interesdunek Osakidetza Zuzendaritza Nagusiko Giza Baliabideen Zuzendaritzari (Araba kalea 45, 01006 Vitoria-Gasteiz) zuzendu beharko diote eskabidea, datu pertsonal guztiekin eta dokumentatutako curriculum vitaearekin (aplikazio informatikoan baliozkotuta dutenak izan ezik) eta eskatutako ezagutza espezifikoa egiaztatzeko egokitzat jotzen duten dokumentazioarekin batera.

Interesdunek aurkeztutako eskabidean, lortu nahi diren plaza guztiak adierazi beharko dira, baita zein ordenatan lortu nahi den ere.

Eskabideak aurkezteko epea 15 egun baliodunekoa izango da, deialdia web-orrian argitaratu eta hurrengo egunetik aurrera.

LEHENTASUN HURRENKERA

Lanpostua betetzeko lehentasun-ordena honako hau izango da:

- 1.- Zuzendaritza Nagusiaren behin betiko barne-mugikortasuna. Lanpostua betetzeko sistema hori erabilita ezin bada lanpostua bete, hurrengo atalean aurreikusitakoa erabiliko da.
2. – Aldi baterako barne-sustapena Zuzendaritza Nagusian. Lanpostua betetzeko sistema hori erabilita ezin bada lanpostua bete, hurrengo atalean aurreikusitakoa erabiliko da.
3. – Zerbitzu-eginkizunak. Sistema hori erabiliz lanpostua ezin bada bete, hurrengo paragrafoan aurreikusitakora joko da.
4. – Zerbitzu-erakundeen arteko aldi baterako barne-sustapena.

BALORAZIO BATZORDEA:

Balorazio-batzorde bat eratuko da, Emakumeen eta Gizonen Berdintasunerako eta Emakumeen aurkako Indarkeria Matxistarik gabeko Bizitzetarako Legearen testu bategina onartzen duen martxoaren 16ko 1/2023 Legegintzako Dekretuaren 21. artikuluan xedatutakoaren arabera. Giza Baliabideen Hautaketa eta Horniketa zuzendariordea edo haren ordezkaria izango da batzordeburua, eta honako kide hauek izango ditu: Aholkularitza Juridikoko zuzendariordea, Erosketen Zerbitzu Korporatiboko burua eta Hornikuntzako Zerbitzu Korporatiboko burua (azken horrek idazkari gisa jardungo du).

HAUTAKETA-PROZEDURA:

Interesdunek garaiz eta behar bezala aurkeztutako dokumentazioa aztertuko du Batzordeak. Aurrekoa ikusita, dagokion izendapena formalizatzeko proposamena egingo da. Balorazio Batzordeak plaza bete gabe utzi ahal izango du, izangaiek eskatutako baldintzak betetzen ez badituzte.

EBAZPEN HONEN AURKAKO ERREKURTSOAK:

Ebazpen honen aurka gora jotzeko errekurtsua aurkez dakiok Osakidetza-Euskal Osasun Zerbitzuko zuzendari nagusiari. Horretarako, hilabeteko epea emango da, ebazpen hau argitaratu eta hurrengo egunetik aurrera.

Vitoria-Gasteiz, 2024ko maiatzaren 29a.



 **Osakidetza**
Luisa Larrauri Ereñozaga
GIZA BALIABIDEEN ZUZENDARIA
DIRECTORA DE RECURSOS HUMANOS

**Giza Baliabideen zuzendaria,
LUISA LARRAURI EREÑOZAGA**